




Fwen Simhai



□ Lanz Han 'gvangh / 蓝汉光



Mbwk:

Ienq bohmei lauxcauj,
Aeu gim bae boiq diet.
Bae haq mbouj doiq dieg,
Genbuh uet raemxda.
Numj ndaej youh gwnheiq,
Aeu nyawh bae boiq rin.
Sim dahlwg nanz angq,
Hoeng bohmei mbouj dam.

Sai:

Lwg gaej ienq bohmei,
Goj gyoengqde miz nanz.
Baehaq mbouj doiq dieg,
Caengz haq baenzlawz rox.
Ndwenngoenz raezrangrang,
Gaej doeknaiq yousim.
Baenz haz rox baenz haiz,
Doeklaeng menhmenh niemh.

Mbwk:

Yamqdin ok bakdou,
Rim dungx cungj dwg vei.
Bouxgvan caengz raen gvaq,
Siengj daengz youh doeknaiq.

Bohmei mbouj caiq swt,
Daileix cungj caih gou.
Miz ranz nanz dauqbae,
Vah ienq gangj mbouj ok.

Sai:

Ndwenngoenz vanzlij cuenh,
Gaej sim luenhvanvan.
Aen sim caux gyaranz,
Cungj miz hanz rap gyangj.
Boh haq lwg baenzgya,
Baenaj couh miz muengh.
Gvaq yaep couh daengz cou,
Sinhøj mbouj geij nanz.

Mbwk:

Yamqdin ok doenghnaz,
Mingh maz nyaenq lai couj.
Gaenx hong vuenh demsou,
Gwnzmbwn mbouj hawj maez.
Geij ndwen mbouj doek fwn,
Gip ndaej raemxda lae.
Haet ok haemh cij ma,
Daengz byai cungj baenz byouq.

Sai:

Dienheiq baenz yienghneix,
Souhhoj hix gaej gyangz.
Aensim caux gyaranz,
Rap naek youq gwnz ndang.
Youq rog bae dajyinh,
Rox ban duzmaz lawh.
Ndaemnaz mbouj ndaej sou,
Aeu ngeix guh gijwnq.

Mbwk:

Mbouj nyienh youq lajdeih,
Daeuj seiq neix aemq coh.
Deng gwnvi daiq lai,
Souhhoj cou dem cou.
Souhnanh cin youh cin,
Gag ienq mbwn ienq deih.
It ngoenz dangq sam cou,
Byaij cungj mbouj doiq loh.

Sai:

Daengq nuengx gaej caiq ienq,
Lauxbeix gienq song coenz.
Seiqgyaiq faen mbouj bingz,
Mbouj gag mwngz ndwi nuengx.

Bajfwj youq gwnzmbwn,
Rumz daeuj de couh biu.
Ndaw bya cien fanh moeg,
Miz go doek gwnz rin.

Mbwk:

It baema daengz ranz,
Sim gag fanz gag luenh.
Dauq cuengq din fouz giz,
Baenziengh sim mbouj fouz?
Ienq mingh caen mbouj ndei,
Gwnheiq bingh haeuj ndang.
Nuengx baenz lwg byadoj,
Souhhoj ndaw raemx cuengq.

Sai:

Gwn haemh baema ranz,
Gaej gag fanz gag luenh.
Sinhøj mbouj ciengxlwenx,
Vit simnyap daengz laeng.
Roeg deng gimq aen loengz,
Fwed mbouj lumz mbin hwnj.
Vah danqnai song coenz,
Hawj nuengx dauq gag siengj.

(sat)

Vunz Ndaw Bya Nduen Moengh

山 里 人 圆 梦

□ Yenz Giuj

Biengz maenh youh habdangq,
Bouxboux angq lailai,
Beksingq ndaej fatcaiz,
Cungj simhai lele.
和谐又稳定,个个都高兴,
百姓发了财,人人都开心。

Seiz miz gwn miz daenj,
Cingq raen ndei dahraix,
Gyoengq laux iq mbwk sai,
Fajnaj hai bak riu.
现在吃穿够,什么都不愁,
看男女老少,大家乐悠悠。

Gaxgonq ndaem haeuxdaeq,
Ceiq lai ndaej gaeuq gwn,
Baenzmiz lumj fangzhwnz,
Gyanghwnz raemxda doek.
以前种玉米,最多能够吃,
发财无门路,夜里眼泪滴。

Gaxgonq raeuz boux rungh,
Caen dwg gungz dahraix,
Namh noix rin youh lai,
Fatcaiz mbouj yungzheih.
以前在山区,真是穷凄凄,

石多土地少,发财不容易。

Gwnz rox raeuz sinhoj,
Loz gisuz roengz mbanj,
Gvaq mbouj ndaej geij nanz,
Ranzranz bienq baenzmiz.
上级懂咱穷,把技术来送,
过不了多久,日子就火红。

Yawj aen dieg daeuj ndaem,
Gaem gisuz youq fwngz,
Muengh ngaenz ranz ndaej cwnggh,
Wnggai aeu ndaem mak.
因地制宜,用技术种植,
要想收入增,种果最合适。

Baihgnz roengzdaeuj naeuz,
Aeu ndaem makhojlungz,
Ndaem baenz bya baenz rungh,
Bouxboux yunghsim guh.
上级来指示,火龙果种植,
山中弄里种,个个都卖力。

Bya ndaem makhojlungz,
Mbouj yungh dap aen 'gyaq,
Gaeu bin rin gwnzlaj,



Lungzlinz dahsau Myauzcuz diuq foux danz gimz.

(Yizmingz ingj)

Hai va laeng baenz mak.
如在山间种,搭架就不用,
石头够它爬,花开果又红。

Laebbaenz Moenghcunghgoz,
Aen sim doq angqyangz,
Byaij hwnj roen siujganh,
Ndang cangq gvaq ndwenngoenz.
实现中国梦,心里乐融融,

走上小康路,活在幸福中。

Raeuz gaen dangjcunghyangh,
Buet siujganh youq roen,
Fwen goenghoh geij coenz,
Ngoenzlaeng raeuz caiq eu.
紧跟党中央,大家奔小康,
今天唱几首,日后咱再唱。